

MUSEO DE GEOLOGIA, PALEONTOLOGIA E MINERALOGIA DE LE DOLOMITI AGORDINE

Sto fabricat l é nassù come lessivera publica scuerta ntel secondo mez Otozento. Chest l é stat podopo destinà a mazelo e supermercà. Dai ani '90, co na operazion per el regonà peada via da la aministrazion del comun, l fabricat l à bu na nova destinazion per esse doprà tant che museo e inaugurà ntel 2006. Al didancoi (2023), al pian taren se pol catà la sezion geo-paleontologica. Le colezioid le ciapa inte esemplar de fossii, minerali, crepe soraltut da la secuenza stratigrafica de le Dolomiti Agordine. I visitador i pol calumà fora sie i fossii pi bei e tipizi de le Dolomiti, sie dei toch dal valor sientifich ecezional a livel regional e parfin mondial. Regordon le piante fossile del Anisich de la Val de San Luga e chele del Ladinich de Digonera. Anter i repert pi emportant l é i fossii catai da no crede nte le crepe metamorfiche a Pont Alt (Agort): corai fazile del Devonian (za. 400 milioi de ani) e i organism marin coloniai e planctonizi ciamai graptolit che i riva endrio dal Silurian inferior (za. 440 Ma). L é colà inte anca na sezion sora la storia de l'art mineraria che la spiega fora le atività estrattive del Agordin. Al prim pian l é enveze n larch loch espositif per mostre temporane e da nosseche tabele che le sciaris fora la storia de la strumentazion topografica co na granda colezion de impreste e de fedele ricostruzioi de arte da nossacan. Ades podon vede na bela mostra su l'archeologia ntel Bas Agordin metuda en pie da l'ARCA (Grop Archeologich Agordin).